

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON
TUŽILAŠTVO SREDNJOBOSANSKOG KANTONA
Broj: T06 0 KTK 0033095 23

OPĆINSKOM SUDU BUGOJNO
-Sudiji za prethodno saslušanje-
B U G O J N O

Na osnovu člana 45. stav 2. tačka h), člana 241. stav 1. i člana 350. ZKP-a F BiH,
p o d i ž e m

O P T U Ź N I C U

Protiv:

1. AZRA KARALIĆ, rođena 1966.godine,
2. AMIRA BAŠIĆ, rođena 1979.godine,
3. VEJZAMELA KOVAČEVIĆ, rođena 1982.godine,
4. SENADA MILANOVIĆ, rođena 1971. godine,
5. VALERIJA MARINA, rođena 1976.godine i
6. JASMIN MLIVO, rođen 1969. godine.

Što su:

I Azra Karalić, Amira Bašić i Vejzamel Kovačević,

U vremenskom periodu od 08.11.2017. do 17.12.2021.godine, u Bugojnu, Azra Karalić kao predsjednik, a Amira Bašić i Vejzamel Kovačević kao članovi Nadzornog odbora *** Bugojno d.o.o. Bugojno, koje funkcije su obnašali u periodu od 29.01.2015.godine do 17.12.2021.godine, u svojstvu odgovornih osoba u smislu člana 2. stav 6) KZ F BiH, u kojem svojstvu su ovlašteni članom 22. stav 1. tačka 13. Statuta *** Bugojno d.o.o. Bugojno broj: ***, izmijenjen i dopunjen Odlukom o izmjenama i dopunama statuta društva broj ***, kojim je propisano da Nadzorni odbor imenuje i razrješava članove uprave uz prethodno pribavljenu suglasnost općinskog načelnika, ne obavivši svoje službene dužnosti, postupili protivno odredbama članova 24., 25. i 27. Statuta *** Bugojno d.o.o. Bugojno i Odluke o izmjenama i dopunama statuta društva, koje odredbe su ih kao članove nadzornog odbora društva obavezivale da za poziciju direktora društva raspišu javni konkurs, da imenuju direktora društva na osnovu prijedloga konkursne komisije uz prethodno pribavljenu saglasnost općinskog načelnika, da ako po raspisanom konkursu nije izvršeno imenovanje, kao i u drugim hitnim slučajevima, uz saglasnost načelnika Općine imenuju vršioca dužnosti direktora na period ne duži od 6 mjeseci, da konkurs za direktora raspišu najkasnije tri mjeseca prije isteka roka za koji je imenovan, na način da su, nakon što su dana 07.08.2017.godine na 13.-toj redovnoj sjednici Nadzornog odbora *** Bugojno d.o.o. Bugojno, za vršioca dužnosti direktora *** Bugojno d.o.o. Bugojno izabrali A.A. i o tome dana 08.08.2017.godine donijeli Odluku broj ***, kojom je A.A. imenovan na navedenu poziciju na period od 6 mjeseci počev od 08.08.2017.godine, propustili da prije isteka tri mjeseca od isteka roka na koji je imenovan vršitelj dužnosti direktora, pa sve do razrješenja sa pozicije članova nadzornog odbora društva,

raspišu javni konkurs za poziciju direktora društva, te dopustili da A.A. obavlja poslove vršioca dužnosti direktora *** Bugojno d.o.o. Bugojno, iako su znali da postupaju protivno navedenim odredbama Statuta društva i Odluke o izmjenama i dopunama statuta društva, i bili svjesni da na taj način A.A. pribavljaju korist u vidu radnog angažovanja na poslovima vršioca dužnosti direktora, na što su pristali

Dakle, kao odgovorne osobe u Federaciji, ne obavivši svoje dužnosti drugom pribavili korist.

II Senada Milanović, Valerija Marina i Jasmin Mlivo

u vremenskom periodu od 17.12.2021.godine do 12.04.2023.godine, u Bugojnu, Senada Milanović kao predsjednik, a Valerija Marina i Jasmin Mlivo, kao članovi Nadzornog odbora *** d.o.o. Bugojno, koje funkcije obnašaju počev od 17.12.2021.godine i dalje, u svojstvu odgovornih osoba u smislu člana 2. stav 6) KZ F BiH, u kojem svojstvu su ovlašteni članom 22. stav 1. tačka 13. Statuta *** Bugojno d.o.o. Bugojno broj: ***, izmijenjen i dopunjen Odlukom o izmjenama i dopunama statuta društva broj ***, kojim je propisano da Nadzorni odbor imenuje i razrješava članove uprave uz prethodno pribavljenu suglasnost općinskog načelnika, ne obavivši svoje službene dužnosti, postupili protivno odredbama članova 24., 25. i 27. Statuta *** Bugojno d.o.o. Bugojno i Odluke o izmjenama i dopunama statuta društva, koje odredbe su ih kao članove nadzornog odbora društva obavezivale da za poziciju direktora društva raspišu javni konkurs, da imenuju direktora društva na osnovu prijedloga konkursne komisije uz prethodno pribavljenu saglasnost općinskog načelnika, da ako po raspisanom konkursu nije izvršeno imenovanje, kao i u drugim hitnim slučajevima, uz saglasnost načelnika Općine imenuju vršioca dužnosti direktora na period ne duži od 6 mjeseci, da konkurs za direktora raspišu najkasnije tri mjeseca prije isteka roka za koji je imenovan, na način da su, propustili da raspišu javni konkurs za poziciju direktora društva, te dopustili da A.A., koji je u vrijeme kada su isti imenovani za članove nadzornog odbora društva, obavljao poslove vršioca dužnosti direktora *** Bugojno d.o.o. Bugojno na osnovu Odluke prethodnog nadzornog odbora broj ***, da bi dana 11.04.2023.godine na 9.-toj redovnoj sjednici Nadzornog odbora *** Bugojno d.o.o. Bugojno za vršioca dužnosti direktora društva na period od šest mjeseci imenovali A.A., bez da su postojali hitni razlozi i bez da su o tome zatražili saglasnost općinskog načelnika, o čemu su donijeli Odluku broj ***, na osnovu koje je Senada Milanović ispred društva sa A.A. potpisala Ugovor o radu broj ***, iako su znali da postupaju protivno navedenim odredbama Statuta društva i Odluke o izmjenama i dopunama statuta društva, i bili svjesni da na taj način A.A. pribavljaju korist u vidu radnog angažovanja na poslovima vršioca dužnosti direktora, na šta su pristali,

Dakle, kao odgovorne osobe u Federaciji, ne obavivši svoje dužnosti drugom pribavili korist.

Čime su počinili krivično djelo Zloupotreba položaja ili ovlaštenja iz člana 383. stav 1. KZ FBiH u vezi sa članom 31. KZ FBiH.

KANTONALNA TUŽITELJICA